

## SAMÞYKKT

### fyrir Veidifélag Skjálfandafljóts.

#### 1. gr.

Félagið heitir Veidifélag Skjálfandafljóts. Heimili þess og varnarþing er heimili formanns.

#### 2. gr.

Félagið nær til eftirtalinna jarða, sem eiga land að vatnakerfi Skjálfandafljóts skv. 3. gr., sbr. skrá yfir eftirtalin lögbyli:

Arnarstaðir	Hjarðarból	Ófeigsstaðir I
Arndísarstaðir	Hlíðarendi I	Ófeigsstaðir II
Arnstapi	Hlíðarendi II	Rangá
Árland	Hlíðskógar	Rauðá
Árteigur	Hnjúkur	Rauðafell
Ártún	Holtakot	Sandur I
Barnafell	Hóll	Sandur II
Berg	Hólsgerði	Sandur III
Bergsstaðir	Hraunkot I	Sandhaugar
Birkihlíð	Hraunkot II	Sandvík
Birningsstaðir	Hrappsstaðir	Skriða I
Bjarnastaðir	Hrifla	Skriða II
Björg	Húsabakki	Skriðuland
Borgartún	Hvarf	Skriðusel
Bólstaður I	Ingjaldsstaðir	Staðarholt
Bólstaður II	Jaðar	Stóru-Tjarnir
Einarsstaðir	Jarlsstaðir	Stóratunga I
Einbúi	Jódísarstaðir	Stóratunga II
Engihlíð	Kambstaðir	Stóruvellir I
Eyjadalsá	Kálfborgará	Stóruvellir II
Fellsendi	Kross I	Sunnuhvoll
Fellssel	Kross II	Svartárkot
Fljótsbakki	Kvíaból	Syðri-Skál
Fosshóll	Landamótssel	Úlfsbær
Fossel	Litlu-Tjarnir	Vatnsendi
Fremstafell I	Litluvellir	Vað I
Fremstafell II	Lundarbrekka I	Vað II
Garðshorn	Lundarbrekka II	Vesturhlíð
Garður I	Lundarbrekka III	Víðiker
Garður II	Lundarbrekka IV	Ystafell I
Geirbjarnarstaðir	Ljósavatn	Ystafell II
Glaumbæjarsel	Lyngholt	Ystafell III
Granastaðir I	Lækjamót I	Ytri-Skál
Granastaðir II	Lækjamót II	Þingeyjarland
Halldórsstaðir I	Lækjavellir	Þóroddsstaðir I
Halldórsstaðir II	Mýri	Þóroddsstaðir II
Heiðarbraut	Nípá	Öxará
Hellnasel		

## 3. gr.

Félagssvæðið skiptist í þrjár deildir þannig:

A-deild: Vatnakerfi Skjálfandafljóts neðan fossa við Þingey.

B-deild: Vatnakerfi Skjálfandafljóts ofan fossa við Þingey, að Svartá undanskilinni.

D-deild: Jarðir sem land eiga að Svartá.

## 4. gr.

Verkefni félagsins er að auka fiskgengd á félagssvæðinu með fiskrækt og gerð fiskvega. Félagið tekur ekki til veiði í stöðuvötnum á félagssvæðinu, þó afrennsli hafi til Skjálfandafljóts, nema ábúendur og/eða eigendur viðkomandi jarða óski þess sérstaklega.

## 5. gr.

Stjórn félagsins skal skipuð 7 mönnum og jafnmörgum til vara og skulu þeir vera stjórnir A- og B-deilda og formaður D-deildar. Enginn atkvæðisbær félagsmaður getur skorast undan endurkosningu, ef ekki hamla sérstök forföll, nema um jafnmörg ár og hann hefur áður starfað. Stjórnin skiptir með sér verkum.

Stjórnir deilda skulu skipaðar þeim þremur mönnum sem kosnir eru á aðalfundi þeirra, til þriggja ára í senn. Gangi þeir úr stjórn á víxl: Einn eftir eitt ár, einn eftir tvö ár og ræður hlutkesti fyrst, einn eftir þrjú ár og síðan eftir starfstíma í stjórninni. Stjórnin skiptir með sér verkum til eins árs í senn.

Varamenn skulu kosnir eftir sömu reglum og aðalmenn. Kjósa skal tvo skoðunarmenn reikninga til þriggja ára í senn.

## 6. gr.

Stjórnin hefur á hendi allar framkvæmdir félagsins sem ekki varða deildirnar sérstaklega. Hún fær menn sér til aðstoðar við þau störf í þágu félagsins sem vinna þarf á hverjum tíma og semur við þá um þóknun fyrir. Formaður er fulltrúi félagsins út á við og hefur yfirumsjón með störfum þess og fjárreiðum. Stjórnin fær þóknun fyrir störf sín samkvæmt reikningi.

## 7. gr.

Aðalfund félagsins skal halda mars - apríl ár hvert. Á fundi skal liggja frammi skrá um atkvæðisbæra félagsmenn. Félagsmaður getur falið öðrum að fara með atkvæði sitt enda sé umboðið skriflegt, eigi eldra en þriggja mánaða og skal þess getið í fundarbók.

Stjórn félagsins ákveður fjárframlög til sameiginlegrar starfsemi félagsins og annast skiptingu þeirra milli verkþátta. Kostnaður vegna rekstrar aðalfélagsins sé greiddur af deildum í hlutfalli af innkomnum leigutekjum.

## 8. gr.

Reikningsár félagsins er almanaksárið. Stjórninni ber að færa reikningana í gerðabók, sem henni er skylt að halda, svo og samþykktir félagsins, félagaskrá, fundargerðir og bréf.

Reikningar skulu bornir upp á aðalfundi félagsins.

## 9. gr.

Sérmál deilda skv. 3. gr. skulu vera:

a. Ráðstöfun veiðiréttar og umráð veiðiaðferða.

b. Fjárreiður deilda og önnur mál sem deildir telja æskilegt eða nauðsynlegt að sinna sérstaklega.

Aðild að fiskvegagerð sem og öll önnur meiriháttar fjárframlög deilda vegna sameiginlegrar starfsemi félagsins, skulu háð samþykki deildarfunda.

Aðalfundir deilda skulu haldnir í mars - apríl ár hvert. Þeir ákvarða fjárframlög skv. b-lið þessarar greinar og taka afstöðu til fjárframlaga sem kunna að koma til álita skv. 7. gr.

Um stjórnun og starfshætti deilda fer að öðru leyti skv. 5. – 8. gr. eftir því sem við á.

10. gr.

Arði af sameiginlegri veiði í hverri deild, skal skipt niður á deildarmenn í samræmi við arðskrá skv. 27. gr. laga um lax- og silungsveiði. Sjá einnig 6. gr. samþykktar þessarar.

Deildarmenn greiði gjöld til deildar sinnar í sömu hlutföllum og þeir taka arð.

11. gr.

Öll veiði er samþykkt þessi nær til, er óheimil á félagssvæðinu, nema með skriflegu leyfi deildarstjórna, sbr. 9. gr. a. Í leyfinu skal tekið fram um veiðitíma og veiðitæki og með hvaða kjörum leyfið er veitt. Takmörkun veiðiaðferða og veiðitíma umfram ákvæði laga um lax- og silungsveiði, er á hverju deildarsvæði háð samþykki aðalfundar viðkomandi deildar. Forkaupsrétt á allt að 25% veiðileyfa, hafa deildarmenn eftir samþykktum aðalfunda deilda og mega þeir ráðstafa leyfi til annarra.

12. gr.

Samþykkt þessari má ekki breyta nema samkvæmt reglum sem settar eru í VIII. kafla laga nr. 76/1970, um lax- og silungsveiði, með síðari breytingum.

13. gr.

Brot á samþykkt þessari varðar sektum skv. XVI. kafla laga nr. 76/1970, um lax- og silungsveiði, með síðari breytingum.

14. gr.

Samþykkt þessi staðfestist hér með skv. 52. gr. laga um lax- og silungsveiði nr. 76/1970, með síðari breytingum og öðlast þegar gildi og birtist til eftirbreytni öllum þeim sem hlut eiga að máli. Jafnframt er felld úr gildi samþykkt fyrir veiðifélag Skjálfandafljóts nr. 190/1972.

*Landbúnaðarráðuneytinu, 10. maí 2005.*

**Guðni Ágústsson.**

*Atli Már Ingólfsson.*